

فی ۱۴ شوال سنہ ۳۲۶ و فی ۲۷ تشرین اول سنہ ۳۲۴

جمعیت علمیہ اسلامیہ نیک ناسر افکاریدر

مدیر مسئول
محمد فطینسر محرر
فالح مجیز در سعاملرندن
مصطفی صبریصاحب امتیاز
فالح مجیز در سعاملرندن
شہری احمد افندی

مندرجات

لیال اسقیداد.....	طاف	دین اسلامده هدف مناقشه اولان مسائل . . . مصطفی صبری
بلبل ، شہزادہ.....	خلیل ادیب	سیاست مدینہ..... کوچوک جدی
		تأسف..... سید
شریف عبدالہ پاشا و شریف حسین پاشا		قطرات حقیقت..... احمد قداد
برندای احترام..... محمد صدق		ہمت بعدالموت..... حسین حازم
امتعة داخلیہ شرکتی		ادبیات
زبدہ سیاسیات		امام اعظم..... عارف

نسخہ سی ۵۰ پارہ در

ممالک اجنبیہ ایچون	ابونہ اجرتی	استانبول ایچون
۱۸ فرانق	ولایات ایچون	برسنہ لک ۷۵ غروش
» ۹,۵	۸۵ غروش	الق آیلغی ۴۰ »
	» ۴۵	

درج ایدلیان اوراق اعادہ اولنماز

قارٹلر مزہ :

اکثر مقالاتہ آیات کریمہ واحادیث نبویہ درج ایدلمش بولندی فی نظر اعتبارہ آلنہرق رعایتسزاکدہ بولنلما می

رجا اولنور .



دینی، ادبی، سیاسی، فنی بازار ایرتسی کونلری نشر اولنور هفتکک غزته در

دین اسلامده هدف مناقشه اولان مسائل

مقدمه

(چکن نسخه مژدن مایلد)

هرهانی برطالاب، مطلوبی ومطلوبنک موضوعی حقیله طایبق و اوکا کوره برخط مساعی تعقیب ایلمک لزومنک اهمیت فوق العاده سی عرض ایدرکن خاطرمه بر مسئله مهمه کلدی که او مسئله عائد اولان فکر مخصوصمکده بومقامده درجی مناسبیدن خالی عد اولنماز ظن ایدرم.

ازمنه اخیرده بعض ارباب دقتک قرآن کریمدن برطاقم حقایق فیه استخراجنه موفق اولدقلری معلومدر.

بومایلد، علماء هئتجه اک صوک قبول ایدیان نظریه موافق اولوق اوزره (والشمس تجری لمستقر لها) قول شریفنک، استقرار شمس و دوران ارضه دال اولسی فکری بیوک برادیمزک آفیشلرینه و بعض علمامزک تصدیقه مظهر اولمشدر.

مقرون بواندینی حسن نیت نسبتنده قرآنه بر حسن خدمت دیمک اولان بوکی تدقیقات، مساعی مشکوره دن اولقله برابر مفسرک عالمنده دخی نظریات خاضره فیه یارائق احتیاجی طرزنده بروقتدن بری بزده نأسس ایدن برفکرک سائقه تحریسیله مال بولمش کی ایکیده برده بوآیتک قابلیت داللتدن استفاده یه شتاب ایدیلدیکی درجده مسئله حائر اهمیت دکلددر. چونکه (لمستقر)

سیان الحق

صفحه ۱۰۷

لفظ شریفنده لای (فی) معنانه حمل ایتک [۱] کی — ولوقواعد عربیه مک مساعد اولدینی — برکلفی اختیار نه مجوریت وارددر؟ بولکفت، قرآنی فیه توفیق ایچون ایسه فیه موافقت قرآن حقنده بر شرف اوله ماذ وقرآن، فیه موافقت احتیاجندن ده، برفن کتابی اولوق درجه سندن ده عالددر. قرآن، فنوندن کله حک شرفه محتاج اولدینی کی بوسوزمندن فتنه حقارت معنای چیقاربلمقه راضی اولمام، بن، فنونی کندیمزده کورمک ایستدرم، قرآنده آرمق طرفداری دکلم.

قرآنک ساق تیانی باشقه شیرددر. او، انسانلرک قوانین اجتماعیه سی، مدنی، مدلتی، سیاسی، اخلاقی، غرضدن، عوضدن تکلفدن، سطحیتدن عاری اوله رقی اک جدی، اک نزیه، اک ساده، اک عمومی برصورتده تنظیم ایلر. قرآن مدینتک غایتی، اوروبا مدنتی کی اکنجیه، بی هوده آلایشه، بی سود متاعه، احتراصات خودکامانه یه شهوات نفسانیه یه چیقماز، سعادت دارینه منتهی اولور. قرآن، انسانه انسانانی اوکره دیر، تعلیم معالی ایدر، امراض جسمانیه دن زیاده امراض روحانیه یه چاره ساز اولور.

آنک ایچوندر که قرآن، منشوره شانی اولان نبی آخر الزمان امور دنیویه، مثلاً اصحابی طرفندن وقوع بولان استفسارات محیه یه قارشى ویردیکی جوابلرک مطلقاً نبوت نقطه سندن ویراش جوابلر اولیوب قومی آرمسندن مرعی تدابیر قبیلندن اولدینی فهیم [۲] (اتم اعلم بامر دنیا کم) کی و (نحن امة امیه لانکتب ولا نحسب) کی اعترافات حقه کوبانه دن چکیمزلردی.

[۱] بوتوجیه، (اقم الصلوة لدلوك الشمس) نظم جلیلنده اولدینی اوزره لام توقتییه حل ایتکدن باشقهدر. چونکه لام توقتییه احتمالله کوره آیتک معنای، تفسیرلرده بیان ایدیلدیکی وجهله اولوب ظن اولدینی کی دکلددر.

[۲] شوتوجیه، طب نبوی نامی آلتنده طویلانان وصایا حقنده غایت سالم برفکر اعطا ایدیه بیلیر.

وت طبك لزوم و هجتی حقه تدبیرات عظیمه صرف واندل بیورلر ولکن فلان دوامک فلان خستکک حقنده قطعت تأثیرنی تعهد بیورمازلردی. چونکه پیغمبر، حکیم ایدی، طیب دکل ایدی. [۱]

نته کم جرم قمرده کوریلن تبدلانک اسبابنه دائر کندیسنه ایراد ایدیلن وعلم هیئته عائد اولدینی جهته تعلیمات دینییه احتیاجنده بولسان برقوم ایچون خارج صدد صایلان برسؤالک مجراستی تبدیل ایله جواب ویراسی خصوصنده کی تلقینات الهیه [۲] بوراده عرض ایتک ایستدیکمز مقصد مزى یک کوزل ایضاح ایدیه یله حک موادنددر. اما کله لم: پیغمبر من اقدم، بومسئله یی، جرم قمرک اسباب تبدلنی بیلیرمی ایدی؟ بیلیمزمی ایدی؟ [جسارتم معذور کورولسون] هر ایکی احتمالک نه اهمیتی وار؟ اگر شب معراج کی اوقات تجلیده بتون کائناتک کندیسنه عرض مکشوفیت ایتدیکی انشاده بومسئله یی ده نظر التفاته لایق کوردیسنه بیلردی. دهها طوغرابسی جناب پیغمبر افسندمن، واجب تعالی حضرتلرینک کندیسنه بیلدیردیکی شیلیری بیلیرلر وماعداسنی بیلیمزلردی. (قل لا اقول لکم غدی خزائن الله ولا اعلم الغیب ولا اقول انی ملک ان اتبع الامایوحی الی) نظم جلیلی ده بوکا شاهددر.

[۱] فضائل بشریه دن معدود اولان بر مقصدک حصواتی تأمینا، مثلاً مسواک استعمالنده کی مقصد عالی نظافت ضمنتده کوسترلن فوائد قطعه صحیه بوبابده بر موقع استئنا تشکیل ایدر.

[۲] (ویشنلونک عن الالهة قل هی مواقیت للناس والحج) حبیب ذیشانم سکا هلالردن، یعنی هرآی اولنده هلاکک غایت اینجه رشکلدن باشلاهورق تدریجاً بیومسی وصوکره بنه تدویم کوجولسی اسبابندن صوریورلر: سن اولره، اسبابدن سؤال ایتدکلری حالده بلافتک، اسلوب حکیم تعبیر اولنان مسلك بدیمی داخنده اداره کلام ایدرک تحولات مذکوره نک انسانره وبالخاصه مسلمانره عائد اولان فوائد توقتییه سندن بحثله جواب ویر؛ ویوصورتله طرز سؤاللرینک نابعجل اولدینی کندیلرینه افهام ایتش اول.

اولی سلسله کلامزه عودت ایدم :
قرآن ، خالق عظمی ، مخلوق عجزی ، خلقتده کی بدایی ، فضائل علوی ، مبداء محدودیتی ، معادک دهشتی ، سعیک ، (وان ایس للانسان الاماسی) نظم جلیلندن شمعی برچوقلرینک اگلا دینی معنائک فوقده اوله رق اهریتی تصویر ایدر .

ایشته قرآنک (بشیر) و (نذیر) نامیله ایکی بیوی صفتی حائر اولسی ایچون اقتضا ایدن مذکور تصویرله نظراً کنیدیسی بکرتیمک جائز اولسه یدی لاهوتی برخطابته ، مافوق البشر برشعره بکرتنه بیلردک .. هله فیه هیچ .

ینه قرآنک ، شعر ایله (وما هو بقول شاعر) تنبیه وتبریسنه لزوم کویستن مناسبتندن ناشیدرکه تصویر مناظر خلقت انساننده اکثریا صور مرثیه اساس اتخاذ ایدیلر . مثلاً بزه ، اولدیغمز بدن ارض ، سما ، نجوم ، شمس وقر ناصل کورینورسه اولهجه تصویر بیوریلور . بناء علیه برجودت قریحه دورینلک ایدن کوزلرک کوردیکی کبی ارضی ، برسطح ممدود [۱] سانی ، برسف منیع ومسود [۲] نجومی ، بر مصباح مشعشع [۳] نهاری ، لیلدن منزوع [۴] لیلی ، ساری [۵] شمس وقری ، جاری [۶] صباحی ، برسکون میتانه دن ، بر احتباس مخنوع قانه دن صوکره متنفس [۷] — دکزک ساحل شریسنده بولنازلرک کوره جکی وجهله — اقشام اوستی ، کونشی صویه منغمس [۸] کبی کویستیر . بومیانده بونلرک حقایق فیه لریک

- [۱] قال الله تعالى : (والی الارض کیف سطحت) (والارض مددناها) (والارض فرشناها) .
[۲] (وجعلنا السماء سقفا محفوظا) (افلم ينظروا الى السماء فوفهم كيف بنيناها وزيناها وما لها من فروج) .
[۳] (ولقد زينا السماء الدنيا بمصابيح وجعلناها رجوما للشياطين)
[۴] وآية لهم الليل نسلخ منه النهار فاذا هم مظلمون)
[۵] (والليل اذا يسر)
[۶] (وسخر الشمس والقمر كل يجري لاجل مسمى)
[۷] (والليل اذا سمعت الصبح اذا تنفس)
[۸] حتى اذا بلغ مغرب الشمس وجدها تغرب في عين حثة

اهمیتی یوقدر . چونکه برحقیقت فیه کشف ایتیمک ، کاشفی مرتبه نبوته ارتقا ایتدیره جک خوارقندن معدود اوله میه جنی کی بونی ، کندیلرینه مبعوث اولدینی قومک ایچریسندن آرز چوق فنون ایله اشتغال ایدنلر تقدیر ایدمیلیر . بریغمبرک ابراز ایدم جکی معجزات ایسه هرکسک انظار دقتی جاب ایدم جک ، هرکس اوزرنده تأثیرینی کویسترمه جک شیلر اولمالیدر .

علی الخصوص قرآنک انشای نزولنده قوم عرب یالکنز اسان وبلاغتجه هیچ برملک واصل اوله مدینی دوره ترقیده بولنیورلری . بناء علیه بوسطنت سخنسازینک ، بودارات بلاغک براکیل تقوی حکمنده بولنان قرآن کریمک اذ زیاده نکات اعجازینه دقت ایدمک وهرشیته ترجیحاً اونقطه نظردن تالی اولنقی اقتضا ایدر . [۱]

مثلاً مباحث عنه اولان آیت کریمه ده لام فی معنائه حمل ایدیلسه بیله شمسک مستقرنده جریانی ، تعیین بیوریلان خطوط حرکتی شاشیرمامسی و شهرا اطراد وانتظامندن آریلمامسی دیمک اولمالیدر . چونکه لامه فی معنایی ویریلدیکی حالده ینه (جریان) تعبیرندن متبادر اولان معنی بونی موجبدر . کذلک (لامتقرلها) قرائتی ده قرائت متعارفیه ویریله جک معنالر حقنده آرز چوق بر فکر ویره بیلیر . صوکره آیتک مابعدنده کلن (لا الشمس یبغی لها ان تدرك القمر) و (کل فی فلک یسبحون) قول شریفلری یوقاریسندن استخراج اولنقی

- [۱] نه کیم مفسرینک مسلکی ده بودر ؛ و بین التفاسیر اک زیاده بومسلک داخلنده ابراز مهارت ایدن تفسیر ، ممدوح اولور . تفسیر کشاف کی . قرآن کریم ایچون ترکیه مکمل برتفسیره احتیاج بولندیغه بوتفسیر ایله قرآنک قرائتی تقدیر قابل اوله بیله جکته قائم اولان فکرلرک منشأ غلطی ده بونقطه دن آکلاشیلیر . اوت ، لسان ترکی اوزرینه هنوز هیچ برتفسیرمنز یوق کبیدر . لکن ، تفاسیر عربیه درجه سنده مکمل برتفسیرمنز اولسه اونی آکلامق ایچون محتاج اولدیغمز علوم وفنون ، عربجه سنی آکلامق ایچون لازم اولان علوم وفنوندن یک اکسیک اولیه جفنی درپیش ایتلیدر . بز بوبخی اوله مستقلاً ایضاح ایتشدک .

بولنازلر اکسیک دکلا . هله تلغرافک ، بین الدول محاربه ومقارکه کبی امور مهمده شایان اعتماد کوریلدیکی حالده بومسئله لرده غیرکافی عد اولنسنه معجب ایدرلر . بوده احکام شرعیه منک وضعیتی بیلمه مکدن ایلری کلن برتلاشدر [تلاشی] شریعتنک احکامی ، ولو ترقیدن عبارت اولان تلوناسه تابع اوله رق هرزمانده وهر مکانه ، میلوز بلده لردن طوت ده اوج اولی برقریه ، برچولک کنارنده ایکی کونلک ایچون قوریلان برخیمیه قدره منجمسز ، تقوی مسز ، اعتمسز ، تلغرافسز ، شمندو . فرسز والحاصل مخترعات فیه دن هیچ رینه احتیاج مس ایتیمکسز اجرایی قابل اولق ارزره وضع اولنشدو . انک ایچوندرکه شریعتن [سمحه بیضیه] نامیله یاد اولور .

اما حسابات نجومیه به مراجعت اولنمدقجه اوقات صوم وصلاة یک طوغری برصورتده کسیدریله میورمش . نه ضرری وار ؟ مال صاحبی بویه ایستهرم ، بویهجه قبول ایدرم دیدکدن صوکره نرم وظیفه من تعین ایتیش وترده محل قلامشدر . مثلاً صوم باندو (صومالرؤیته وافطرو الرؤیته فان غم علیکم فاکملوا العدة ثلثین) بیوریلدینی ایچون هلالی کوره بیایرسه طوتیق وایرام یایمق ، کورده منسهک شعبانی ویا رمضانی اوتوزه تماملامق بورجزددر . اما بونکله اصابت واقع اولیه جمش ، رمضانن برکون شعبانه ویا شوالدن رمضانک کچهجک یاخود رمضانن برکون غائب ایدیه جکمش کبی کلیور . سده اصول مشروعه سنه تطبیقاً هر قاج کون طوتولدی ایسه حقه قنده رمضان اوندن عبارت اوله رق نه اکسیک نه فضله ، نه ایلری نه ده کیریدر . کانه رمضان شرعی ایله رمضان نجومی یکدیگرکندن فرقایدرلر .

بتون بونلره سببده عبادتده اوامره حرفیا توفیق حرکت مطلوب اولمیدر . چونکه عبادت ، معبودک ویا رسولنک سوزینی طوتوب طوتایانی تمیز ایدیچی برامتحان وابتلادن عبارت اولوب آرده غنی مطلق

ایسته بیان حقیقت فیه دن زیاده عرض ایدیکنر حقیقته نه قدر باهر بروضوح ایله دلالت ایدر . فی الواقع شمس ایله قریبندو جریان ایدن برسرعت مابقه سنده شمسک قره یتشمه مسی شمسک حرکت محوریه سی حالده تصور اولنه میوب شمس ایله قرک عین نوعدن اولان حرکت مرثیه لریله قابل تطبیق اولدینی کبی شمس وقرک اعماق بی انتهای سماده سابع اوله رق کویستریله ده کورونش اعتباریله نه قدر موافق ، بناء علیه نه قدر بدیغ دوشمشدر . شمعی بوقول شریفک ده سما ، حکمت قدیمه احکامندن اولدینی اوزره خرق والیتای غیر قابل برجسم دکله بر فراغ مجرد دن عبارت اولق کبی دیگر برحکم فیه به تطبیق ایدلمسنی مجوز ایتیمیز . چونکه جهان علم ومعرفه قرآنک مسلك بلندی طایتدیرمق ، ارباب فیه جیله ابراز ایتیمکدن ده نافع اولور .

علی الخصوص که بوی احکام فیه نه قدر حائر قطعیت عد اولنسه ینه صورت انتاجی ، منطقک یک تام نظریله باقدینی برقیاس ایله یعنی تائینک عینی استننا ولازمندن ملزومه انتقال طریقله اولدیغندن بحسب المنطق هنوز خلافتک طرق امکانی قیامق درجه لرینه واصل اوله . مامشدر . فقط نه چاره که فنک اخیراً نائل اولدینی ترقیات ایچریسندو غریب وشایان اسف برقیصه اولق اوزره شمعی ارباب فن آره سنده نصاب قطعیت خبی اوجوزلامشدر .

بویجی شمعیلک بوندن زیاده اوزاتمق ایسته میورز . بویک مناسب کوچک برمیجتمز ده ناردرکه مقدمه مزاونی ده احتوا ایتمدن ختام بولیه جقدر :

رمضان وشوال غره لرینک شرعا مرعی بولنان صورت نبوتی اوزرینه دخی اداره کلام اولنهرق بوخصوصده هر سنه تکرر ایدن ترددن قورتولنقی اوزره حسابات نجومیه ایله یاخود برعماکتده نبوتی خبر ویرن تلغراف ایله عمل ایدمک مناسب اوله جنی فکرنده

بولان علماء کرامنک تدقیقات موشکافانه لینه، آبروجه انتظار ایدرز.

مصطفی صبری

سیاست مدینه

کتاب شرعیہ دق حجة لله البالغہ نام کتابدن مترجمدر

«سیاست مدینه» اهل مدینه ارسنده کی رابطه مخصوصه نك کیفیت حفظدن باحث بر حکمتدر.

بوراده مدینه دن مقصد معنای لغویسی وجهله شهر واقصیه اولیوب منازل مختلفه اربابنک بینلرنده جریان ایدن معاملات و مناسبات مخصوصه وسیله سیله بر لرینه یا فلاشرق تشکیل ایتدکاری هیئت اجتماعیه دن عبارتدر. بوباید معنی علیه شودر که مدینه تعبیر ایتدیکمز جماعت مذکورہ رابطه موجوده لری حسبله هان شخص واحد مثابه سنده اولوب بر جوق اجزا ابله بر شکل اجتماعیدن مرکبدر.

حالبوکه ترکیبی حاوی اولان هر رشینک یاماده سنده ویا شکله بر خال طاری اولتی ممکن اولدینی کی ایکا بر مرض - یعنی نوعی اعتباریله اولماسی دها ای اولان بر حال - ویا بر سخت - یعنی پیرایه انتظامی اوله جق بر کیفیت - عارض اوله بیلیر. شو حواله انک وقایه وتدایسی، حفظ و تزید صحی لازم کلیر.

مدینه مذکورہ بر جماعت کبری اولدیندن دولایي بینلرنده لازمه معدلتی حسن محافظه ایده بیلیمک هر زمان آرای عمومی افرادک اتفاقیه قابل اوله مامتله برابر مخالفت ظهورنده بعضیسنک بعضیسنه قارشی بر منصب مخصوصی بولنمقسنن تشبث شخصیه یله نهی منکراته قیام و تطبیق نظام ایلمسی ده امکانسدر. زیرا بوضوئرتده بر شخصه نك شخص آخره قارشی تحکمنه یول آچیلوب

اولان معبودک کوریه جک هیچ رایشی یوقدر که اویشک بالاخره دیگر بر طریق وصولی کشف ایدلمش اولسون. ذاتاً هر خصوصه عینی عینیه امره امثال ایدن خدمتکار، تعلیل ایدن، معنی ویرن خدمتکار دن زیاده مقبول اولور. سیما عبادتده بزم یا ککشلق ویا اکسکک ظن ایتدیکمز شیدن خالقک حاشا زیان ایتک احتمالی یوقدر. امر خارخنده اراز اوله حق فعالیت ایسه آمر ایله مأمور آرسنده مرتبه ادراکک تفاوتی نسبتیه مخاطره لیدر. مثلاً زیاده چایشقانلق ایدوبده صباح نمازی اوچ رکعت قلمش اولسه ایکی یرینه قبول اولماز؛ بویستور فاسد اولور.

شارعک بیان بیوردینی طریق عمل مقابله تلغرافده معمول به اوله یه جنی کی دلالت قطعییه حائر اولدیندن موقوفه دکلدر. چونکه او، میدانه اولدینی ایچون غائب و غائب اولدینی ایچون مجهول بر شخصک قومانداسنه تابع بر جاددن عبارت بولندینی جهتله نظر شرعه مظهر تبرکیم الهی اولان انسانلرک قوت شهادتی حائر اوله ماز. اما امور دنیویه ده، ایشمزک کیری قلمسی احتماله معنی احتیاطاً بو کی آله اعتماد ایدرز.

کذلک شمندوفرله یکریمی ساعتک بر مسافه یی اوچ درت ساعتده قطع ایده بیلدیکمز حاله یه بز اونی مسافه سفر عد ایدرک بوبولجیلغمزده درت رکعتلی نماز لریمزی قصر ایدر. ورمضان ایسه اوروج طومامغه مأذون اولورز. چونکه وجهه حرکتزه بوقدر بر مدت قلیله ده وصولزی موجب اولان تحول، مسافه اصلیه نك آزمایسی صورنیله دکلده شمندوفرک سرعتلی کیتیمی ایله حاصل اوله عارضی، و بر سکتیه اوغرامامسی فرض اولسان اوقات آمد وشدیه مقید و موقت برشیدر. بناء علیه یکریمی ساعتک مسافه یه یکریمی ساعتک کدر. وآرده بولسان طاغیر، دره لر، کماکان باقیدر.

مع هذا بوکی نوحده مسائلده اختصاص قهیلری

ار ککلردن وکرک قادیلردن ازدواج و تناسل میلان طبعیسنک انکسار و انسلاخنه بادی اوله جق بهمی ابتلالر و حسب الجنس اختلافلردن طولای بالطبع حقوق ووظائفده اونسبتده مختلف اولملری لازم کلیر کن ار ککلرک قادیلق، قادیلرک ار ککلک داعیه سنده بولملری و متعدد رجالک بر قادیلر اوزرنده تراجمی مثلاً موجب منازعه حالات و انهمک مسکرات و امثالی احوال ذمیه کی. کذلک قار؛ اضعااً مضاعفه زبا، و شورت، لطیف وزن وکیل امتعه تجاریده. ساخته کارلق، تلقی جَلَب [۱]، احتکار، نجش [۲] کی هیئت اجتماعیه یی ایچندن اولدیران سیئاتده بولنلردنر.

۲ - بین الافراد تحوٹ ایدن خصوصیات مشکله حقوقیه در که طرفیندن هربری زعمنجه بر سبب شرعییه استداد ایدرک کندوسنی حقلی کورمک ایستر. حقیقت حالک ظاهره اخراجی، کیمک حقلی کیمک حقسنز اولدیننی اکلاوب احقاق ایتک ایچون ینیه، و نائقی متبریه، قرائن حالیه یمسکا منازعه یی بر نتیجه مستحسنة به بالارجاع دسائس طرفینی نهم و طرف راجعی ادراک و تمیز ایتک لازم کلیر.

۳ - اهالینک قصبات وقراده اسکان ایتیه رک کوجه حالنده، مدنیت ابتدائیه طرزنده بولملری ویا کندی جماعت مدنیلرندن بشقه بر مدنیته آیری بر حکومت انتساب ایتلری یاخود بینلرنده تقسیم اعمالی مدنیلرینه، جمعیتلرینه یارایه جق وجهله یا باملریدر. مثلاً:

علم و معارف، حرب، تجارت، زراعت، صنعت کی مملکتک محتاج اولدینی شیلرک هر برینی احتیاجلری

[۱] بر بلده به خارجدن بر مال ادخال ایدله جکنی خبر آلوب هر کسدن اول او تاجری قارشولیه رق اغفال ایدوب مال مذکور اوجوزجه آلدقن صکره داخل مملکتده فاحش فیثاله صانقدر که بر احتکار مخصوص دیکدر.

[۲] مزادده کی بر مالی اشترا ایتک نیق اولدینی حالده طالی اغفال ایچون پی سورده رک دکرندن فضله به صادر مقدر.

سفک دمایه سبیت ویریه جکندن مطلوب اولان انتظام خللدار اولور.

انجق او هیئت اجتماعیه اره لرنده فکر وروبتده ممتاز اولانلردن ارباب حله و عقد اولق اوزوه بر مجلس [۱] تشکیل ایدوب صاحب اعوان و شوکت بر ذاته [۲] بیعت و بناء علیه بر حکومت اطاعت ایتک لازمدر. هله بالخاصه عزت نفسلری غالب، غضب و حدتلی و حرب و ضربه جرأنلری زیاده جه اولان اقوام متمدنه نك حکومته اشد احتیاجلری واردر.

شو وجهله تأسیس ارکان اجتماع ایتش اولان جماعت مدنییه عارض اوله جق اولان باشلوجه اسباب خلل و امراض ده شولردر.

۱ - ایچلرنده بر طاقم شر آلود آدملرک هوا نفسانیلرینه اتباع و طریقت عادلده دن انحراف ایتک اوزره اجتماع ایله قوت و شوکت بولهرق حکومت ایچنده حکومت تشکیل ایده بیلملریدر که بوده شوکی اغراض رذیله دن نشأت ایدر. یاشونک بونک اموالنه صارقندیلق ایتک ایسترلر: قطاع طریق. ویا کین و غضب بسلدکاری کیمسه لری اضرار و اخذنار ایتک سوداسنه دوشرلر: بغاة.

۲ - بر ظالمک جرح و یا ضرب و قتل صورتلردن بریله بر کیمسه نك شخصه ظلم ایتیمی ویا او کیمسه نك زوجیه سنه، محارمنه بغیر حق تسلط ایلمسی ویا خود سرأ و علناً مالی چالوب چاریمسی ویا سب و شتم ایله حقوقنه تجاوز و ناموسنه تعرضاتده بولنمی کی شیلر.

ویا شونی بونی تسویلات ابله فریبانه ایله افساد ایدرک تبعه یی متبوع عادلی، قولی افندیسی، زوجیه یی زوجی علیننه سوق و تشویق و بین الناس مواد مضره نشریه تعلیم حیل کونا کون ایدمک کذلک عناصر و خصائص اجتماعیه یی زیر و زبر ایده جک اعتیادات رذیله هپ بوقیلدنر. مثلاً لواطه، سحاقه و بولر کی کرک

[۱] ملت مجلسی

[۲] پادشاه و خلیفه و امواتی ایسه و کلاووزرا و عسا کیدر.

نسبت به آری آری در عهد ایتیموب بونلردن بمصلحت به زیاده رغبتله دیگر لرخی مهمله ویا ناقص بر اقلری کی . بر هیئت اجتماعیته ترقیسنه خدمت ایدره که تزید و حفظ صحتته مدار اوله حق اسبابک باشلیجه لر ایسه شونلردر .

۱ — قشله لر ، قلعه لر ، استحکام لر ، طایفه لر ، قره قولر ، چارشولر ، یوللر ، قبولر ، چشمه لر کی لوازم عسکریه وامور نافه به عائد اقتضا ایدن شیلری یامق .
۲ — دکنلرده ، ایرمقلرده سیرو سفر اتمک اوزره کیلر انشا اتمک ومناسبات تجاریه بی تأیید وتحکم ایدوب ممالک مختلفه تاجر لرخی بر برینه ایصندیر مق وغریبه حسن معامله اتمک کی شیلر که بونلر آمدوشدی تزید و اخراجات و ادخالاتی تکثیر ایدر که ثروت مملکتی تمیه ایدر .

۳ — قابل زراعت اراضی مملکتده بوش بریر بر اقامتی ایچون زراعه معاونت و تزید زراعت ایچون تشویقات و ترغیبات لازمه ده بولمق .

۴ — ارباب صنعتی دائماً صنعتلرنده نفاست و ترقی به سوق ایدره که تدابیر لازمه ده بولمق .

۵ — بالعموم اهالی مملکتی خط ، حساب ، تاریخ ، جغرافیا [۱] طب کی مقدمات معارفک اکتسابنه مجبور طومتق .

۶ — بالخاصه مملکتک احوال داخلیه سنه دار اخبار و حوادثی اهالی به اعلان [۲] و اهالی بی اوکی حوادثک استخبارینه سوق ایله ایقناظ اتمک در که بواسطه ایله بر طرفدن اهالی لهویاتدن فراغت و حبوبات ایله اشتغال اتمک آلیشر و بر طرفدن انی و کوتی ، فقیر و غنی ،

[۱] بوراده طبدن مراد هر شخصک کندی نفسی بر درجه به قدر محافظه ایدره بیلجه که معلومات طبیه ایدنمی دیمک اولوب زمانزده حفظ ایچمه دینلر علدر .

[۲] بولک واسطه سی ایسه خطیلر ، واعظلر ، منادیلر ، فقط بکونکی کونده بالخاصه اوراق حوادثدر .

حمدی

عاجز و مقتدر آدملر سیچله رک ایچلرنده تربیه و تأدیه ، معاونته محتاج بولانلر ، و هر هانکی خصوصده اولورسه اولسون لیاقت و اهلیتندن استفاده ایدیله بیلجه که اولانلر آکلاشلمش اولور .

شوزمانده ممالکک سبب خرابی باشلیجه ایکی شیدر .

۱ — هر کسک معیشتی بیت المالدن تسویه اتمک خصوصده کی تهالک لیدر که کیمسی بن عسکر مجاهدیم کیمسی بن زنی علمادیم ، کیمسی بن شایسته جائزه و احسانم دیر که و هر چه باد آباد معاش و یاصله نامیله بیت المالدن تأمین معیشت اتمک سوداسنه دوشه رک مملکتک محتاج اولدینی ایشی کورمک دکل یالکنز یاره قازانمق حرصیله بر برینی قیرارجه سنه بیت الماله هجوم ایدرلر . و جماعت مدنیه لرینه باش بلاسی کسیلرلر .

۲ — زراعت و تجارت و اصنافه آغیر آغیر و برکولر طرح ایلمکدر که بویکی تضییقات اهالینک رابطه اجتماعیه لرینی کسر ایدر که باشلرنده کی بلاسی ظلمی قالدیرمق الجاسیله باش قالدیرملرینه سبب اولور . زیرا بر مملکت جوق و برکی آلفله دکل اهالینک قدرتی نسبتده و برکی آلوب اقامه حفظ و حدود ایلمک ایله صلاح یاب انتظام و عمران اوله بیلیر . والله اعلم

مترجمی
کوچوک حمدی

— تأسف —

تأسف ایتیمسی قابلمیدر که رمضان شریف ختام بولور ، بولماز جوامع و مساجدمن تنها شمه ، وعظلمن حاضلرمن وعظ ونصیحتی ، تلاوت قرآن مبینی ترک ایتیمکه باشلادیلر .

انصاف ایتیمه بش وقت نماز رمضان شریفده فرض اولدینی کی شهر سائرده دخی فرزندر ، بو خصوصده سنه نکه هر شهری حتی هر کونی مساوی اولنجه رمضان مغفر تنشاند بوفرضیت تأکد و تقوی ایتیمور دیمک

بیورمشدر که خلاصه : نماز لک فرضیتی ایچون من طرف الله قوللره نفع و فائده سی ده زیاده اولان اوقات تعیین ایدلمش و ایشته بش وقت نماز اوله خیرلی و قتلرده فرض قیلنمش اولمغله ای امت محمد صلوات خمس عقبنده دعواته دوام و مواظبت ایدیکز ! دیمکدر .

کذلک حدیث مرفوع حکمنده بولنسان بر حدیث نبویه : « الدعاء بین الاذان والاقامة لا یرده » بیورلمشدر که اذان ایله اقامت آره سنده ایدیلن دعا لرد اولنماز دیکدر . برده ابو هریره رضی الله عنه حضرتلری : دعا رک قبولکاه جناب قاضی الحاجانه صعود وارنقا ایتیمی ایچون صفوف مجاهدین اسلامک دشمنه هجومی زمانده ، نزول باران صیره سنده و صلوات مفروضه نکه زمان ایفاسنده ابواب سما آچیله جفندن بوزمانلری غنیمت بیلر که دعای ذوالجلاله قویولکنز مآلنده اوله رقده ان ابواب السماء تفتح عند زحف الصفوف فی سبیل الله وعند نزول الغيث وعند اقامة الصلوات المكتوبة فاغتنموا الدعاء فیها » بیورملری اوقات اوزمانک قبول دعوات خصوصده بر تأثیر مخصوصی بولنسیغنی کوسرتمکله برابر بالاده کی مسروداتی دخی اثبات ایدر .

بوندن بشقه جوامع شریفیه طویلانان و دست غدر استبدادک نیجه قهریله زبون و پریشان اولمش بولنسان بر جماعت یکزبان اوله رق تأثر و تضرعله یارب! عالم السر والعلانیه سک ، بیلیرسک که ماضی مظلم ، زده نه ثروت بر اقدی ، نه راحت و رفاه ، ممالکمز احسان بیوردیفک قوه انباتیه سایه سنده بتون اقوامدن دها زنکین اولامز لازم کلیر کن دنیانک اک فقیر منای بزاولدق .

بتون رعایایه بتون انبای جنسمزه حسن معامله ایتیمزی رفق و ملامتده بولنمیزی صراحتاً آمر اولان بر دین قویم ایله متدین اولدیغمز جهته انسانلر اک مسعودی اولممن لازم کلیر ایکن عالمک اک مظلوم بر قومی بزاولدق .

یارب! الطاف و عنایانکه النجا ایدییورز . اوزرمزدن

اولور ؛ چونکه صلوات خمسک علماً و اعتقاداً فرض اولاسنده رمضان شریف ایله ایام سائرده نکه هیچ فرقی یوقدر .

بوجهتی تماماً بیلدیکمز حالده نه دن عامل اولمیورز ؟ جوامع شریفه من اومقدس مساجدمن نیچون مصلیلر ، قارئلر ، واعظلرله طولیدور ؟ نیچون او مؤمن مقبلر ، او صالح موحدرک صفر تشکیل ایدره که خالق مکوناته بیان شکران ایچون کمال خضوع و خشوعی ، کذلک اتحاد و اتفاقک دیانه اک مهم بر وظیفه اولدیغنی اشاره اعلان ایدره که جماعته نماز قیلدق لرینی و جناب حق تسبیح و تقدیس و او خالق لایزاله تحمید و تکبیردن صوکره مستجاب اولسی قویاً مأمول اولان بر زمانده ال قالدیروب وطنک سلامت و سعادت و شریعت محمدیه نکه حمایته چالیشانلرک تعالیسی و ارباب فساد و فتنک مقهوریتی یولنده دعا لر ، نیازلر ایلدکلرینی کوروره رک قریرالین اوله میورز ؟

دعا اتمک ایچون زمان آرائیر ، او دم اجابت اهل ایمان نظرلنده غنیمت عد اولنور ؛ چونکه نائل ثنوبات اولمق خصوصده زمانک ده مکان کی تأثیر عظیمی واردر ، بعض یرلرده ایدیلن عباداتک ثوابی دیگر محمللرده کی عبادتک ثوابنه نسبتاً فضله اولور ، کذلک بعض وقتلر ایدیلن دعواتک قرین قبول الهی اولسی دها زیاده مأمولدر .

مثلاً روضه مطهره بی حاوی بولنسان مسجد النبی ایله قبله کاه موحدین اولان کعبه معظمه بی احتوا ایدن مسجد الحرامده ایدیلن عبادات ، اولنسان دعواتک مساجد سائرده اجرا ایدیلن عبادات و ادعیه دن جوق فرقی اولدینی جای اشتباه دکدر .

کذلک اذان ایله اقامت آره سنده و صلوات مفروضه عقبنده ایدیلر که دعا لرباشقه زمان رفیع اوله جق دعواته مقیس اوله ماز ؛ نصل که مجاهد (رض) : « ان الصلوات جعلت فی خیر الساعات فلیکم بالدعاء خلف الصلوات »

قالدریغك شو ظلم واستبدادی بر دها عودت ایتمه مکه محکوم قیل. دین و ملی محافظه اید، جك خلوص نیت اربابی عنایت صمدانیه که قرین بیور، دیه ایلدیکی دعوات مؤثره ایل بر ویا بر قاج کیشك جوامع شریفه خارجنده ایده جکی دما من حیث القبول مساوی اوله ماز.

بایزید درس نامندن
سید

قطرات حقیقت

دریای لاهوتك امواج قدرتی ایچنده ساحل فطرته یاناشوبده میدان ناسوتی مکان ظهور ایدن انسان، ساحه امکانده بیوک بر قهرمان بلایه قرین اولدی. انلیم جبروتك اهل ملکوتی اراسنده خلعت قدسیق اکتسا ایدرك سوکره ژنکدار ایدن حضرت ابوالبشر، نه لر اوغرامادی. مسجود ملک اولق رنکله بارلایان کسوة دلاراسی، قربت شجر یوزندن روقی غائب ایتدی. تبدیل جامه حکمتیه عربان اولدی، یرله ایتدی، دنا رتوبه ایله تزین ایدرك زمین وزمانده یتشدردیکی نشر ایتدیکی اولاد وانسانی خیمه حیاته براقوب دیار ابدیه کیتدی. سرای بقایای ترجیح ایتدی. عربان جسده صحن وجوده کلن اولادنی، ستر ایده جك، لباس تقوی، زمین ابتلادن آلوب قالدریغ ایدر، غنای دیانتدر. انسان شو معرکه دن قورتارارق، فوز اعتلایه یتشدره جك سیمرخ دیانت هرکیمک باشنه قونسه اونی سمای رفعته ایصال ایدر.

نزد عقلا ده اتیان ادله دن آزاده درکه حسی، معنوی هر درلو فوز وسلامت بر دین ایله متدین اولمقده در. دین، عالم بشریتك روحی، جهان مدنیتك ضیاسیدر. دین افکار اوایندیرر، ابواب فیوضات آجاء، حامی مدنیت، ناشر عز و دولتدر. بتون ملل و اقوام بر دین ایله (تدین) چالیشیر دینك نشر و اعلانشه اوغرائیر. بزه اسلامز، ظل اماننده یشادینمز دین

مبینك علو قدرتی بیلیر، اکلا دیغمزیده بیلدرمک اوغورنده چالیشیرز، عرصه تکلفی اشغال ایدن هر عصر وزمانده کی علماء، ناموس رقبه سنه آلدینی علوم نافعنه نشر ایله موآند تبلیغی عامیه کشاد ایدر موروث انبیا اولان تبلیغ احکام باعث انتظام عالم اولمش، موجب سعادت ملل بولومشدر.

فقرای فضائل مجلسك صف نعلی اشغال ایدرك جواهر معالی قلا ده سنی چیقارمشته بو ریای سواده قلمش اولان انسانله کیملر آجیاز. جهان دیانتك، میدان فیضی طورورکن مزالیق اقدام اوچورو ملرنده دولاشان عقول بسیطه اربابك دوچار اولدینی فلاکت شدله وخیمدر.

امراض قلبك صوات فاجعه سنه زبون اولان ارواح بشر تداولره، مؤثر دوالره محتاجدر. غذای روح اولان احکام دیانت بیدری ویریلیر، شکوفه حقایق بیدریلیرسه تدربحاً کسب صحت ایدر قوتلنیرده، اوج عرفانه کیدر.

کیفیت مجهوله استارینه بورینن ارواح بشر ماهیت مخلوقه سنی انظار عالمه کوسترمک مقصدیه شکل مخصوصی کینمش، کویا اونکله عربان اولان جسم لطیفی اورتمش ایدمه لباس تقوایی لابس اولمقده ستر عیوب ایدمه «ولباس التقوی ذلک خیر» دین روح بشرک تربین ذاتنه ردا، ینه اوله جه روان انسانه غدادر. اغدیة دیانتله بسلنمیان روحک، آجلق داعیه سیله ارتکاب سرقت شأمنه اوغرائه جفی طبعیدر. اوده، احکام منیره هدایتدن بهره یاب اوله میوب عقائد فاسده بی تناول ایتسیدر. ایشته بویه حراملری یمیش قودورمش شکپروران ارواح داء الکلاب خسته لغنه دوشه رگ کبریر، مزبله سفالته چکیلرده ارواح خبیثه یه التحاق ایلر.

اصلی طاهر اشیایه انجاس عارضه نك ازاله سی، صابون ایله امثالنه موقوف اولدینی کبی، روح مذکورک

تطهیری ده نارجمیمه محتاجدر. مواد مستقذره نی نشرب ایدن دتی، یران تطهیره کیرمدکجه تمیزلمز. اصلی طور اراق اولان انسانلرکده اوساخ معاصی ایله کیرله ن ارواحی جهنمه تطهیر ایدیلر.

ناسوتی لباسلر کیدر رگ رندانه ادالره یورو تدیکمز اجسادی باطناً تحریب ایتمش. اطعمه نفیسه ایله تسمین ایتدیکمز اجسامک اوبله نجیف روحلری وارکه غذای معالیدن بر شی طامامش حقایق اشیایه وقوف ایله مؤثر حقیقیسی حضرت ذوالجلالک آیات قدرتی اوقومتی وظیفه عبودیت ایکن غفلتله قپانان کوزلر درین اوبقورله یاتمش. قولالرده قپانمشدر. شخص انسانیک دامن حیثیتی تلویث ایدن شو غفلت دوچار اولاجنی سفالت براعت استهلالیدر.

مرأت عقبا صابیلا ن حرکات دنیا یه با فوبده آکلا. یانلر. هنکام حیاتک شو جولانی نتایجیله تمیین ایدرلر. صحنه هوسلری رقص لرله طولدیران ارباب ملاعب، یاریم دقیقه سوکره نه اولاجنی ادراک ایدمه کونلر کیدر، سنه لر کچرده نعلاس غفلندن بصیرتی آچیلماز. تنعیم ابدان ایله تنظیف ثیابه مقتون اولوب طورورکن عین حیات اولان روح چیر چپلاق قلمش، دریای ذلتله طالمشدر. بدنلر بسله مک، تسمین ایتمکدن زیاده روحلرمنک علوی صفتلره متصف اولماسنه چالشلم. کاب عظمتک سرلوحه سی اولان آیات قدرتی آکلا یالم، آشنای حکمت اولالم «انظر واماذا فی السموات والارض» «فاتح ایله بایزیده واعظ»

ارزنجان مدرس لرندن رشده مسکریه
املا معلی دیوریکلی
احمد مقداد

بعث بعد الموت

(درنجی نهخه دن مابعد)

شمعی علمای فخام حضر اتنك بعث و جزانك

لزوم وقوعی حقننده سرد ایتدکلی اطمشان بخش قلوب دلائل عنلیه مقنعه لرینی دیکله یلم باقم:

جناب حکیم متعالك عدالت، حکمت، رأفت کبی بتون صفات کالیه ایله متصف اولدینی اذعان وقبول ایدن هر معتقد عننده تحقق ایتسی لازم کلیرکه انسانلره حسن وقبلی، خیر وشری تمیز ایتدیره جک عقول وادراکات احسان ایدن خلاق کریم، آنلری سوء اعتقاد، جهل، کذب، ایداء خلق کبی هر درلو قبایح و ذماتمن منع و حیات دنیویه لرینک حسن انتظامی تأمین ایده جک اولان بتون اعمال خیریه و اخلاق فاضله ایله متصف اولملرینه ترغیب ایتسی عدالت و حکمتی مقتضاسندن اولمیلدر.

حالبوکه بویکی لازمه عدل و حکمت، یعنی معروفه ترغیب، منکردن ترهیب کندی کندیینه حاصل اوله ماز. بلکه بونی تأمین ایچون عمل خیری ثوابه، عمل شری عقابه ربط ایلیمک لازمدر. اعمال اوزرینه ثواب و عقاب ترتیبی ایسه بو دار دنیا ده حاصل دکدر. بنابرین تنعیم و تعذیب ایچون بردار اخرایه لزوم واردر.

عقول بشرده فطره مرکوز بولنان تحسین خیرات، تقییس منکرات خصایق، ترغیب و ترهیب وظیفه سنی ایضایه کفایت ایدمه مز. چونکه:

الظلم من شیم النفوس فان تجد
ذا عفة قلعة لا یظلم

مدلولنجه نفس انسانی شیمه جلیبه سی بولنان ظلمی، یالکز لذات جسمانیه و شهوات حیوانیه سی - منه مکانه بر صورتده - اجرایی، عقل ایسه مسالک سعادت و صلاحه دلالتی التزام ایده جکندن بونلر شو جدانکاه حیاتنه هر حاله یکدیگرله معارضه ایده جکلر و بو صورتده بر مرجع لازم کله جکدر. مرجع ایسه آنجق خیر و شر اوزرینه وعد و وعید ترتیب ایتمکه اولور.

§

تعاون که لازمه مدنیت و انسانیتدر. هر ملک قوام

ابقا ایده بیه چکی شی بر نام بلند، بر ذکر جبل دکلیدر؟
باقی قالان بوقبه ده برخوش صدا ایش . [
شبه سزدرکه امر تعاونك بویه انشراح قلب ،
سماحت وجدان ايله - موعود بر اجر جزیل امید
اوله برق - ایفا اولنسنه اعتقاد معاد حس دیانتکسترانه .
سندن متولد برأفت وعطوفت سبب یکانه اولور .

§

رعایای الهی قوت وضعف جمتدن متفاوت اولد .
یغندن عالمده «الحکم لمن غلب» قاعده جاریه سی حکمفرما
اوله کیش و دائماً اقویاء ضفای تحت تحکم واعتسافنده
بولندیره رق ازمشدر .

بنابرین مظلومك حققی ظالمن آلمق، ظالمك بوقدر
حرکات اعتسافکارانه سی یانه قویماق حکمت وعدالت
الیه شانندن بولنشدر . حالوکه اخذنار مظلوم تماماً
بودار دنیاده حاصل دکلد . چونکه کوریسورزکه
مظلوم اکثریا حقوق صریحه سندن محروم ، عرض
وناموسی پامال، مال مشروعی مسلوب اولدینی حالده
حیض قهر وذلنده سرنکون، ظالم ایسه فراز عز
وقدرتده جلادت نموند . بناء علیه احقاق حقوق
تمامیله تأمین ایده جك بردار جزانك وقهرغه لزوم
عقلی متحققدر . والا :

«مظلومه ظالم ایلر ایکن ظلم وغدر و آل
کارنده آثم اولدینی ایلمز خیال»

بعث و اعاده نك لزوم وقوعی مثبت براهین عقلیه
مقنعه یی دیکله دك دکلی یا ؟ برده عکسکی تصور ایده لم .
اگر معاد اولماش اولسه یدی ده انسان - طبیعیتونك
اعتقاد ایتدکلی کی - کیه کی بیتی، برمدت ده کذار
حیات اولدقندن صوکره بردها رجوع ایتمه مک اوزره
محو اولور کیدر، حظ وجودیسی انحق مدت حیاتنده
نائل اولدینی لذات جسمانییه دن عبارت قالیر بر مخلوق
بولنسه ایدی شرف ومنزلت نقطه نظرندن حیوانلرك
اك خسیسی عد اولنمه لایق اولوردی . چونکه انسانك

بوکاروزار عاده اقتحام ایلدیکی مضار و مزاحم؛ بتون
حیوانانك مضراتندن دها چوقدر . بو محقه قدرکه
حیوانات سائره ؛ نصیبه دار فکر وتأمل اولدقلی
ایچون کندیلرینه آلام واسقام مادیه کلدیکه هر درلو
احتساست مؤلده دن آزاده برحالده یاشارلر کیدرلر .

لکن انسانلر، بالخاصه عاقبت اندیش انسانلر؛

« اولمش بلای عقل ايله آرامدن مصون »

مستمرأ احوال ماضیه یی تذکیرایله کریان، شئونات
مستقبله یی تفکر ایلده ده مستغرق احزاندرلر . هله او
استقبال اندیشه لری کونا کون خوف و خلع جانلر، امیدلر،
یأسلر ، بعضاً قوه عقلیه یی ده اسانندن صارصه رق
- العیاذ بالله - وقوع بولان او مذموم ومنهی اتخارلر؛
انسانلرك سائقه عقل ايله مبتلا اولدقلی احوالندن
دکلیدر ؟ احوالده حظ انسانی یالکنز لذات جسمانییه یی
استفادن عبارت قالیورکه بونده سائر حیوانانده
مشترکدر .

مثلاً انسانلر؛ حلویانك اك نفیسنندن نصل لذتیاب
اولورلرسه نظراهمیتدن ساقط اك كوچك بر حیوانك ده
- بزجه - اخس عد اولنسان برشیه عین مرتبه ده
شیرخذاق اوله جفی طبعیدر .

بنابرین انسان نعم وسعادتنك ظهور وتكاملنه مظهر
اولق اوزره اعاده ایدیلیمه جك اولسه خاصه لازمه سی
بولنسان عقلك ، كمال عقلك باش بلاسی اولسی لازم
کلیر . بوحالک ایسه شرفاً ، مزیه انسانك حیوانات
سائرده دن اخسیتی ، منفعتدن آزاده برتعب دائمی ایچنده
فناپذیر اولوب کیتمسق ایجاب ایتدیکی وارسته بیاند .

لکن انسانك مکرمتی، رجحانی، فضیلتی - هر درلو
شبهات وظنوندن عاری بر صورتده - ثابت ومتحقق
بولننندن آ کلا ییلرکه نعم وسعادات انسانیه نك ظهور
وتكاملی ایچون بر دار سعادت مدار اخرویه نك وقوعه
عقلاً لزوم قطعی واردر .

مسرودات واقعه دن منکشف اولورکه بعث واعاده نك

وقوعی انکار ایدنلرك مذهبی کبی بر مذهب ضلال
وبوندن متولد شرکی برشر عظیم الوبال تصور اولنه ماز .
نصل تصور اولنه بیلسون که پیش چشم بصیرتلینی ظلام
غفلت و بهیمیت قاپلامش اولان بوزوالی کجرولر
مذاهب سخیفه لرنبه اصلاً حلال وحرامه وجود
ویرمدکلی کی - علی زعمهم - کیمی (وجدانی) ایلری
سوره رك حاکم کل، قانون عادل طائیش، کیمی ده دیندن،
اعتقاد معاددن بالکلیه تجرد ایده رك نظام عالمی تأمین ایچون
شوبله :

« نظام عالم ؛ افراد بشردن هربری منفعتنه عائد
حقوقی، اوزرینه لازم ککن واجبات انسانییه بر علم تام
ایله بیلمسيله تأمین اولنور . »

دیه بر قانون سیاسی وضعنه قالدیشمش و فقط بو
نظریه نك اولیه قولای قولای تطبیق اولنسه میه جفتی ده
کسیدیره رك « فقط بونك تمامی اجراسی ایچون برخیلی
زمان ایستر » دیه بر هرزه دها علاوه سنه لزوم کورمشدر .

هیات ۱۱

« هیات جئت الی دفلی تحرکها

مستطعما غیباً حرکت فالتقطا »

دوشونه، یورلرکه هر شخصك ، هر قومك وجدانی
متساویمیدر ؟ صالح ايله طالح بروجدانده می یارا -
دیلمشدردر ؟

« بر مملکتده صلب اولنور قاطع طریق

بربرده موجب شرف وفخر اولور بوحال

بر بلده ده حجاب زنان عیب اولوب ینه

بر شهرده بوحال اولور باعث جمال »

مجرد علم سیایك وضع ایتدیکی نظریه ؛ حب ذانه ،
شهواته ، الجا آت هوایه نصل مقاومت ایده بیلیر ؟ یالکنز
صلاح معاشه ناظر قوانین ايله تأسیس ایدلن حکومت ؛
قابیلمدرکه کمال انتظام اوزره بولنسون ؟ بالفرض عمرینی
انواع ناز ونعم ایچنده حد کاله ایصال ایتش اولان بر
آدم بغیر حق بر نفس معصومی قتل ایدوبده درحال

وتكاملی فطره تعاونه محتاج بولندیی ایچون كافة ام
تزدنده مقبول ومستحسن برخصلتدر . انحق بونك
رغبته ، انشراح قلب وسماحت وجدان ايله ایفاسی
- نصل که موافق حکمت برامر مستحسندر - هر حالده
بخش اولنان مالدن خیرلی، دها نافع بر عوضك وجودینه
وابسته در . چونکه حب مال ؛ نفوس بشریه ده متمرکز
برامر جبلی اولدیغندن انسان بالاعوض مالنك بر ذره سنی
بیه صرف ایتك ایستمز . ایشته امر تعاونی آرزوی
قلبی ايله تأمین حکمت سبحانیه سیدر که جامع الجہتین
بر داراخرامك لزومنی اقتضا ایدیور . نا که اغنیا ؛
اوراده محتاجینه معاونت لازمه یی دریغ ایتیلرك قات قات
فضله نائل عوض جزیل اوله جقلمی ، معاونت مندوبه یی
ایفا دکل نفقات وزکوة واجبه یی بیه ادا ایتیلرك ایسه
جزای سزالرینی بوله جقلمی بیلسونلرده آرزوی
وجدانیلر بیل بذل معاونت ایتسونلر . جمعیت بشریه نك
بیه دائماً مستفید اوله جفی مأثر خیریه تأسیسنه رغبتری
آرتسون .

[نصل که بونکون چشم شکران ايله مشاهده
ایتمکده ، دمام فکرآ ، ماده منتفع اولقده بولندیغمز
بونجه مأثر جلیله ، مؤسسات خیریه هپ اوبعث و جزانك
وقوعی تصدیق نتیجه عالییه سی اوله رق وجود پذیر
اولمش طورییور .

ذاتاً منصفانه، عاقبت اندیشانه ، حقیقت بینانه تأمل
ایدیلرسه ،

« کل ابن اخی وان طالت سلامته

یوماً علی آله حدباء محمول »

و

« وما المرأ الا كالشهاب وضوئه

یحور رماداً بعد اذ هو ساطع

وما المال والاهلون الا ودائع

ولا بد یوماً ان ترد الودائع »

مضمونلرینه ماصدق بولنان قافله امك بو کذرکه عالمده

کنندیسیده اجله وفات اید یورسه شمدی بو آدم طبیعتیه
حکومتدن جزا کوره میه جکی ایچون جنایت واقعہ سی یاننده
قاله جق ، مجازاة قانونیه دن قورتولانلر ، روز جزانک
بخجه عدالتدن ده تخلص کر یسان ایتیش اولملری حس
واعتقادی طاشیه جقلر اولمی ؟ بو ، مقتضای عدالت ،
موافق عقل و حکمتیدر ؟

هنوز کندیلرنده اعتقاد معاد قانون دیانی باقی اولان
بعض ائمه احوالی مدانده ، ایچلرندن :


« لیونله چالان مسند عزتده سرافراز »

وهنگ عرض و ناموس ایدلر مظهر صحابه ممتاز
دکیدلر ؟ یاتون ، بتون اعتقاد معاد صفحات قلوبندن
سیلنمش اولان ملکه حالی نهیه منجر اولماز . کوندن
کونه ینلرنده - ذکر ایتدیکم نظریه سیاسیهرنه
رغم آ - شرور و سیئات انتشار ایدوب کیتیموری ؟
اولانجه توتیله سفاهت ، فحشیات ، قتل نفس ، اتحار ،
الحاصل هیئت اجتماعیه نکه انتظامی محل اخلاق فاسده ،
سرعتی خطوائیه ترقی ایتیموری ؟

جزئی بر اعتقاد معاد قید دیانتی طاشیه یانلر ؛
ظن اولندیفته بناء - ایچلرنده موجود اولمیدرکه
بتون بتون هیئت اجتماعیه لری دهشتلی برترزل اخلاقی به
اوغرایوبده بر دنبره سقوط ایدیوریه ورلر .

تأمین صلاح ایلیمه من فکر سیاسی
قانون معاد اولمازیسه رکن اساسی

حسین حازم



ادبیات

تنزل الرحمة عند ذکر الصالحه

— امام اعظم —

اوزونجه بربلو ، مکمل ، خلوق بر انسان
وقار و هیبتی اوستنده ، وجهی پرلمان

سرنده برده بیاض ، صرفهجه بر سرپوش
صاریقله اوستی محلی ، بو مردم برهوش
لباسی خیلی مزین ، لطیف ، اده کوزل
بر ایتسام ملاحظه کندیس اوجل
یورورکن اوله مهیابه بر متانت
قلوبه جذبه لقا ایدر محبتله
نکا ، دقتی بر دورین حکمتدر
ندای رأفتی هر گوشه محض نعمتدر
دیانت اهلنه بر مقدای افخمتدر
صفوف مجتهدینه امام اعظمدر

سکسانجی سنه سی هجرت خیر البشرک
حزنه فراق اولدنی بر دمدی بوتون بحر و برک
پای انداز شهود اولدی او نعمان کزین
راه حقدہ یکیدن پارلادی بر مشعل دین
جدینک اسمی ده نعمان ، پدیسه ثابت
اصلی ثابت بودرختک ، ثمراتی ثابت
کوفه گهواره زیب اولدی امام دینه
نیجه علامه لره آچدی او قطعه ، سینه
شیمدیک حال اسفنا کنه سن آلامه !
کبرا وار ایدی اول آنی تنها صامه !
بونجه اصحابی طاشیردی اوراسی ظهیرنده
صوکره حجاجک ازلمشدی ید قهرنده
مع هذا بوقدر تابع عالی مشرب
اورده تعلیم حقایق ایله مشغول ایدی هپ
صدر اولده کی اصحابه رسول ذیشان

بخش و نشر ایلر ایدی نور یقین و ایمان
کتب و مسئله یه یوق ایدی اصلا حاجت
چونکه کافی ایدی پیغمبر صاحب حجت
ارتحال نبوی وقعه آشناسکی

فرط تأثیر ایله تیتروندی سمایی ، خاکی
یرلره ایندی اوگون غلغله لاهوتی
کوکره چیقیدی بوتون ولوله ناسوتی

بعده حضرت شیخین کرامت تدبیر
ایتدیلر عدل ایله دنیایی سراپا تنویر
منبع علم وحیا حضرت ابن عفان
ایله دی همت اصحاب ایله جمع قرآن
دینه دائر نه قدر وارایسه احکام مبین
هر برین مرجع مخصوصی ایدردی تبیین
عرصه شرع و بسالنده جناب حیدر
ایتدی ایفای وظیفه ختن پیغمبر

بعد بعد دوشهرک تفرقه اهل دینه
طوتدیلر هر بری بر مملک غیظ و کینه
اختلافات مذاهب چیتویردی درحال
فرقلر بر برینه هپ متباین آمال
بونی اولجه خبر ویردی نئی الثقایین
جیقیدی بر معجزه مفخر اهل کونین
اهل حق طویلانه رق خلی تفکر ایتدی
وقعه یی دقت و همتله تذکر ایتدی
ایشبو هنگامه یتیشمشدی امام اعظم
فصل دعوا یه قیام ایتدی هام اقدم
التجا ایلدی الله توستل ایتدی
اولو سلطاننه یتلله توکل ایتدی

ذات پاک احدیت بونی تعین ایتیش
علم ایله ، فضل ایله ، تقوی ایله نزمین ایتیش
امته اولدی مددکار و ظهیر شرعی
قومادی طویلامادق علم اصول و فرعی
کوفنده بونجه صحایله خدمت ایتدی
خدمتیه متناوب بزه همت ایتدی
کندیس اولدی معلم انس بن مالک
مسلمک پاک نبویه بونی قیلدی سالک
نووی ، ابن حجر بویه دیورلر بی شک
حاصلی پاک ، مکمل و صحیح المسلك

ایشبو قوتلر ایله بده ایدرک تحقیقه
فرقه هالکینی آلدی ید تضییقه
بولدی وارسه نه قدر مسئله شرعیه
قید ایدوب بونلری اصلیه ، کرک فرعیه
ایتدی قرآن ایله سلتمدن اودم استمداد
خالق مقتدری ایلدی هر دم امداد
بوجهتله تقدم ، او امامه عائد
هله تبشیر نبی ، شاننه عالی شاهد
تابعینه نیجه فتوالری واردر مکتوب
اهلک ناظره پیراسی ، مبرهن ، مرغوب
مذهبک اعدایدن مذهب عالیمی بوتون
مسلمک اکایدن مسلمک عالیمی بوتون
سوندورن ناثره اهل ضلالی آنجق
- ضررک شمع عرقان و کالی الحق
تابعینک بیوکی ، مجتهدینک بیوکی
فرقه ناجیه نکه ، همده بو دینک بیوکی

رحمة الله علیه و علی من تبعه

جمعیت علیه افرادندن
محمد عارف

— لیال استبداد —

نجوم زاهره تترر طورر ظلالندن
عبون ساهره دهشتله نیر خیالندن
افقده پارلایان اوچ بش چراغ بیدادک
قوایه خدشه کایر تاب اشتعالندن
انظر ، نفوذ ایدمه من قسوت ظلامندن
امل ، هراسه دوشر نیجه نکالندن
سکون حاله کلش خروش استبداد
عقول ، رعشه زن آزار انفعالندن

چهار سبایه مسلسل ندای استمداد
اسیر ربقة ظلمك لسان حالندن
اینر زمینه پیانی نوای لاهوتی
سروش مرحمتك اهتزاز بالندن
کلیه صباخه دمامد اینن مظلومین
سواحله دوشن اورمانلرك خلالندن
صبا ترنم ایدر هر سحر بر نوحه
قلوب طاهره کربان اولور مآلندن
شفق اشان ویریر آفاقه رنگ حمزله
شهید مظلومه نك یاد خون آلدن
جبال شاهقه بر وضع اغبار آلمش
شوون حاضره نك شدت ملالندن
تفکر ایلوب اولمش ده منفعل کویا
اواسکی قدرت پر مکتك زوالندن
زمین مساعد ایکن بویله محرز و مسکتك
شو وجهله بزه بحث ایلور وبالندن :

جبال ذی مکاتم قلاع پر متاتم
کتاب کون ایچنده بن صحائف حماسم
قلوب خلقه رعشه زن
مباحث جلادتم
خزائتم کران بها معادتم نما فزا
کنوز سینه سرلر بیوت ثروت وغنا
صاغم کهر، صولم کهر
فقط کیم ایلر اعتنا

کلك قونوك جوارمه باقك شومیشه زارمه
نه جانلر ایتش التجا کینکه غبارمه
نه شانلر ایتش اتکا
یمینمه ، یسارمه

یرنده زیب و زیورم سباهه هر زمان سرم
فقط شوقیده یرطونان سکز، اون اولی کویلرم
تمده وار ایکن شو جان
بو حالده قالماسین دیرم

باقك شو بحر موجزن به آنلی، شانلی برچن
س فائن تجارته یکانه جلوه گاه ایکن
سن اولده دوشمه حیرته
نه فرقی وار شوقیه دن !

نصل که ابر پر صفا قیلار سباهه اعتلا
بوشانله چوقی ایلسم جهانده بنده ارتقا
زمین ، زمین محشم
زمان ، زمان انجلا
فاتح درس طاملندن
ع . عاطف

بلبل - شهزاده

کنج بر شاهزاده مست غرور ،
هرنه دانسه اولور قرین فتور .
بوده ایشته بیوککک اثری ،
اوت ، اکثر بودر آنک ثمری !
دیدور ، نکته دان ودل آگاه ،
بر مربی اولوب آکا همراه ؛
کزینیرکن باقك شو امعانه .
یوللری اوغرا دی بر اورمانه .
یایراق آلتنده کیزلنوب اوزمان ،
بر کوچك عنذلیب خوش الحان ،
ایدیوردی ترنماته دوام .
کوردی شهزاده قالدی بی آرام .
یک کوزل بولدی بلبلك درحال ؛
اولدی اخذ و کرفته میال !

بو کوزل قوش کی اولور پنهان
اله کچمز قولایجه اهل هنر ،
آرامق بولمق انتضا ایلر ،
مقری کوی : ۱۴ مارت ۳۲۴

خلیل ادیب

مرحوم ومغفورله شریف عبدالله پاشا
حضر تلری

مکه مکرمه امارت جلیله نه تعین بیورلمسنى متعاقب
ارتحال دار بقا ایلین شریف عبدالله پاشا مرحومك
ترجمه حاللرینی بونسخه مزده درج ایده جکمزى وعد
ایلمش ایدك . مشار الیه کی مناقب عالیله غزته مزك
بر قاچ نسخهلرینی املایه کافی اولان برنخبه نجابتك
ترجمه احوالی یازمقدن مقصد (عند ذکر الصالحین
تنزل الرحمة) امل مقدسه خدمتدن بشقه برشی اولمدینی
جهتله عسا کر نظامیه شاهانه قائمه طاملندن عزتو عثمان
لطفی بك طرفندن کوندریلان ورقه بی بروجه آتی
درج ایلر اکتفا ایلدك .

مرحوم مشارالیه حضرتلری (۱۲۲۸) سنه سی
بتون حرمن محترمی و عسیر ونجد قطعه لرینی یدی سنه
استیلا ایدن وهابی محاربانه ماللریله ، جانلریله ، بالجله
قوم وقبله لرله عسا کر عثمانیه برابرند . خدمات برکزیده
ابراز ایدوب اوچ کون اوچ کیجه دوام ایلمش اولان
طائف جوارنده مشهور (بسيله) ملحمة کبراسنده مصر
والیسی محمد علی پاشا اردوسنی پارلاق مظفر بتلره ایصال
ایدن و (۴۷) سنه سی یمن و (۷۱) سنه سی حجاز
اخلال مدهشنى حرباً زیر و زبر ایلین امیر اسبق (شریف
محمد بن عون) حضرتلرینك مخدوم سیادت موسوملری
وبو کره امارت جلیله یه بالاستحقاق تعین بیوریلان
دولتو سیادتو شریف حسین پاشا حضرتلرینك پدر

محرّمی (شریف علی پاشا) مرحومك برادر
اكرملیدر .

(۱۲۶۴) سنه سی قدم نهاده عالم شهود اولمشلر
والتمش ایکی سنه دن عبارت بولنان مدت عمرلرنده
خصائل مصطفویه لرله انظار انامده ابراز شعار شرافت
ایلمش ایدی .

خاندان سامبلرینك خدمات صادقانه لری ، باب عالی
خزینة اوراقده محفوظ (۱۲) نومرولی اوراق رسمیه
وغازی سلطان عبدالجیدخان « طاب ثراه » حضرتلرینك
بالذات خط دست خلافتناهیله محرر والیوم اوخاندان
نجیبك دست احتراملرنده محفوظ فرمان عالی وصدر
اسبق رشید پاشا مرحومك ، تقدیرات فوق العاده بی
حاوی ستایشنامه لرله قیداً ثابت ومبرهن اولدینی حلاله
حق برین قویق ایچون دائماً اظهار معانده ومکابله
ایلمك خصائصندن اولان بر زمانك ایجاباتی اوله رق
فاتح مصر یارز سلطان سلیم حضرتلری کی بر خلیفه
ذیشانك (۹۲۳) نارنجنده وضع ایلدیکی امارتك اصول
انتقالی تغییرایدیلرک شرفانك اکبروسر فرازی اولمقلده
ممتاز بولنان مرحوم عبدالله پاشا حضرتلرینك ایق
بولندقلری اومقام عالی دن محروم ایدلکلرندن دولانی
وجود تقوی آلود شریفانه لرندن بکلنیه جك اولان
خدمات عالیّه بالطبع حیز فعله کله مامش وبالکمز
خصائص خداپسندانه لرینه مفتون اولان عبون موحیدین
برانتظار امل پرورانه ایچنده قالمش ایدی .

عبدالله پاشا حضرتلری اخلاق حمده ، اوصاف
جمیله ، تقوای خالصانه و شمائر انسانیتکارانه ده حسین
پاشا حضرتلرینك حقیقه عم یکتالری ایدی . بوسویه
مبنی ایدی که کرک اهالی نظریده وکرکسه شرفا نظرنده
عبدالله پاشا حضرتلری او طبع حایمانلری ، سیمای
سلیمانلری ایچنده احترام آور برمهات معنویه ایله تجلی
ایلر . حتی امیر سابق شریف علی پاشا بیله حضورینه
داخل اولورسه الارینی اتکلرینی قبیسل ایدرلر و بلا
استیذان قارشولرنده اوطوره مزلردی .

عبدالله پاشا مرحوم براز مدت امارت وکالتده
بولندی وحجازك وجود عالیلرندن ایده جکی استفاده
اوزمان رونون اولمشدی . اون آتی سنه بی متجاوز
حجاز وعسیر ویمنده عسکرلک ایدن بوعبد عاجز
اووقت یوز باشی اوله رق طائفده ایدم . مشارالیه
حضرتلرینه ایفای تبریک وعرض تعظیفات ایچون کلن
قبائل شیخلریله عربانك مقداری الی بیکی متجاوز
ایدی . اشبو رسم تبریک ایکی ماه قدر دوام ایتدی .
حجازدن نجد قطعه لرینه وارنجیه قدر بتون او حوالی
اسایش ایچنده قالدی . برکشی مدینه منوره یه بالکمز جه
کیدرکلر اولدی . هم عسکرلر ، هم اهالی ، همده عربان
راحت وحضور یوزی کورمش ایدی . کوچکمزدن
بیوکمز قدر جمله من حقنده لطف ونزاکتله معامله ایتدیکی
کی ایام رسمیه ده بایراملرده حکومت سنیه دن صکره قشله
هاونه قدرکلرک نفرات وضابطانی سلاملر وعسکری خستکلا
نك قغوشلرینه قدر کیدرک خسته لک برر برر استفسار
خاطرینه عنایت هاشمیه لرینی ابدال بیورلردی . هیچ
اونوته تم قوماندانم طرفندن برکون برایش ضممنده
نزد دولترینه کوندلرلشیدم . یانلرنده برچوق شرفا
وعلما وشيوخ عربان اوتوریلوردی . کیردم . بزم کی
کوچک رتبه ده بولنان برعسکره قیام ایتدیله . الارینی اوپدم .
معروضاتی عرض ایتدم . حسن استماع بیوردیلر .
بوکی لطفلری ساده بزم دکل نفرلریزمه قدر علی السویه
شامل ایدی . ایشته بویله اخلاق محمدیه لرله حجازده
نأمین اسایشه کافی اولدیغندن دولانی عبدالله پاشا
حضرتلری امارنده بولمش اولسه ایدیلر بیوک برادرلری
شریف عبدالله پاشا زماننده کی کی مکده ایکی طابور
عسکرله خطه حجازیه ویمانیه ونجدیه ده ادامه اسایش
تمکن برحاله کایر و فرقه یه هیچده لزوم قالمزدی .

لکن مناسبتسز والیملرک چویرمک ایستدکلری
انترقه لر بوکا تمامیه مابین اولدیغندن مشارالیه حضر -
تلرینك حق صریحلری غصب ایدلدی . امارت استحقاقه

دکل انحصاره تابع طوتلدی . عبدالله پاشا استاجولده
قالدی . حرمین شریفنده روا کوریلان لایط ااق مظالمه
حسین پاشا حضرتلرینك وجود عالیلری حائل عد
ایدلدی . بر راتبك غمز مرتبی اولان تلغراف اوزرینه
استانبوله آلدی رلدینی کی نیجه اعظم شرفا ، علمای ،
نجدیه نفی وتبعید ایدلدی .

عبدالله پاشا حضرتلری شو حجاز مظالمك تأثیرا -
تیه دلخون اولمقلده ایکن حنلرنده ویریلان زورناللر
وخانه لرینی آبلوقه ایدن خفیه لک ازعاجات متوالیه سیله
مضطرب بولندیغندن علیل برحاله کلشیر ویتش یاشندکی
برذات سیاسنه کیرمشلردی .

(رحمه الله علیه رحمه واسعة)

امیرمکه شریف حسین پاشا حضرتلری

موسمی الیه عثمان لطفی بکک شریف حسین پاشا
حضرتلرینك مزایای جلیله لرینه عائد بیاناتی ده بوجه
آتیدر :

شریف حسین پاشا ابن الشریف المرحوم علی پاشا
حضرتلری غایت ذکی وفطن ، حافظ قرآن علوم الیه
وعالیه وفنون حاضرده صاحب فضل وکمال اولوب
متخلق اولدقلری شیمه عدالت ، عفت ، استقامتده
درجه سی کندیلری ایله برلکده بولمقدجه تعیین ایدیلر من .
(مقام خلافت عثمانی به) صوک درجه ده احترامات

بسلر . حجازده ایکن عصیانده بولنان باغیلرک دردستی
ضممنده طابورمنزله برابر قومانداسی آلتنده بولندق .
اوشریف عالی قدرده کوریلان دیانت وشجاعتی اوتواضع
هاشمیانه بی مدت عمرمه کیمسه ده کورمدم . هله قبائل
وعربان وشرفانك اکا قارشو تعظیفات فوق العاده سی
کورویده حیرتده قالماق قابل اوله مزیدی ، عسکره ،
عسکرلکه فرط محبتلری واردر . دوشمش ، بی کس
حرمین محتاجینه طاقت انسانیتکاریلری مبذولدر .
برفقیری رد ایدوب مأیوس ایتک عادتلری دکلدر .

کچن روس محاربه سنده مکّه مکرمه ده تشکل ایدن
ملی طابورلرک برنده شریف حسین پاشا نفر اوله رق
بو عاجزک قومانداسی آلتنده تعلیم ایده رک بتون حجاز -
ایلره نمونه امثال اولمشدی . (۹۹) سنه سنه قدر والی اسبق
صفوت پاشانك همیله حجاز خزینه سی تخریب ایدیلوب
سنه لرحه معاش یوزی کورمین فرقه من مضایقه نك
صوک درجه سنه واصل اولدیغمز برصرده دفعاتله
حکومت سنیه یه بلا فائض بیکلرجه لیرا اقراض ایتش
ومطلوباتی سنه لرحه آله مدینی حلاله ینه طلب ایتماشدی .
(۳۰۱) سنه سی شام شریف محمدک باره منزلقدن
کیدمیه رک مکده قالدیقی کورن مشارالیه دفعه بشیدک
لیرا اعطا ایده رک ناموس دولتی یار واغیاره قارشو
محافظه بیوردی . پوسته وتلغراف دائره سی انشا
ارلق اوزره مکّه مکرمه ده ایکی بیسک لیرا قیمتنده کی
عرسه سی مجانا حکومت سنیه یه ترک ایدلی .

ایکی سنه اولده عسیره محصور قالان اون طقوز
طابورمنزک عسیر امیری (علی ابن محمد عائضه) دیگر
اقربالردن بعض مشایخه وبکلره یازدینی برر مکنو بیله نك
محاصره ایتدیروب برهلاک محققدن تخلص ایدلی .
(غاموده) اشقیایدینه کچن تفشکلرمنزله طوبلرمنز استرداد
ایدن ینه شریف حسین پاشا حضرتلریدر .

— بیان الحق —

عبدالله پاشا مرحومك سنه لردن بری محروم ایدلیدی
حق امارتی اخیراً عهد استحقاقه عودت ایدرک اک
نهایت هرخصوصده اولدینی کی بوراده ده حق یرینی
بولمش ایدی . فقط امارتدن زیاده نزد الهیده کی مقام
مقدس لرینه مشتاق اولدقلری ایچون جناب رب المعالمین
کندیلرینی دار بقایه ده مناسب کوردی . مقام امارتی
وارث معالیمی بولمقله پک چوق جهانده کندیلرینه بیله
رجحانی ظاهر بولنان حسین پاشا حضرتلرینه نصیب
ایدلی . جناب حق ، برینی داخل حریم رحمت ،

دیگری نائل حسن موفقیت و خادم معالم شریعت
بیورسون .

— بر ندای احترام —

— بیان الحق —

اوتوز سینه دنیوی ، بزى : ملتک باشنه لایعد بلالار
فلا کتیر یاغدی ران ، و ملتک سینّه مبارک کنده خبلی کردا بلر
أویان ، مسائل مهمّه حیانیه مزى ، حیات اجتماعیه مزى
مهلك ورطه لره دوشورن طوفان عظیم استبدادک او ظلمت
جهالت سیلری که صوک سینه لره بنای دینزی بیله
سو کیکه ، مدرسه لر مزى ، مکتبلر مزى تللیرى سورک مکه
قدر ایلروله مشدی .

شرقک بوانهار خروشان فلاکت ایچنده یو وارلاندی
قارشودن . . ساحله سلامتدن تماشا ایدن غریبلر ،
بی انصافانه (اسلامیت مانع تر قیدر ، عثمانیلرله علی
الخصوص ، مسلمانلرله استعداد ترقی مقفود . . .
کهی یا کلش هم يك یا کلش . . . تلایلرله بولنقدن
چکنم دیر . . .

وقتیله مدنیتک اس الاساسی تشکیل ایدن اسلامیت که
منتسبیتندن بولنسان ترکر من القدیم حائز اولدقلى
بیو کلکاری - تاریخ صحیفه لرله - اونودیلوب وحشته
یاد اولندیلر ، باربارلق ایله طماندیله . . . فی الواقع
ترکر آو ویا کلش تاقیانسه ، دها طوغریسی
اسنادانه لسان حال ایله اولسون اعتراضدن ، درونی
آه لرله مقابله دن کیزو طور مدیلر . .

چونکه استبدادک مظالم بی نهایت سیله مضیق
براکمیت ایچنده سکوت محکوم ایدیلر : ایشته بوکون
اوکا بوس الیم استبداددن قورتیلوب هنوز قیلمد اغمه
باشلایان ترکر . . مستحق اولدقلى بوتون اترقیات
ملیه لرین احرازه چالیشه جقلینه بر دلیلی معتبر ،

اسلامیتک مانع ترقی دکل ، بالخاصه آمر ترقی بولندی
اثبات ایتک مقصد فد کارانه سیله وطنک صحنه جدیدنه
قورولان مطبوعاتک کرسی بلند خطابه نه چیقان
(بیان الحق) که استبداد فورطنه لرینک افکار امته
صاووردی بوتون او ظلمت ، جهالت ییقینلری ناراج
ایدیور . درد الیم استبداد ایله خسته لنان افکار ملتی ،
تداوی به حقیقه نافع بر علاج اولمده در .

یاره . طالتی مطالعه لر ، اغیاره مقنع مدافعه لر
تأمین ایدن اورنکین صحیفه لر که هر هفته انظار
اشتیاقی ترین ، قارینه ساده ، فقط فوق العاده
بلیغ برلسان ایله ، واضح تعبیرلرله حقایق شرعیه بی .
معالی اسلامیه بی تلقین ایدیور . بز ، عصر مزک الک
بنام علماسندن تشکل ایدن او هیئت تحریریه بی نهایت
تشکر لر مزى ، ابدی آلفیشلر مزى اتحاد ایتکله
افتحار ایلر . عثمانی مطبوعاتده بویه دینی بر رساله
موقوتک ، بر غزنه نک لزوم تأسیسی . . چوقدن بری
حسن اولنیوردی . . فقط حاکم و خامنه باقهرق
استقبالک فلاکتی دوشونمکه کیزلی کیزلی آه ایلمکدن ،
ایچین ایچین آغلامقدن قورتولوبده ایله بر تشبده
بولنغمه کیم جسارت ایدمیلیدی آه اوکونلر که . .
وحشت زار استبدادک یتشدیردی بر آلاى فضیلت
معرفت جلادلى قارشوسنده :

بز سکوت حکم استبداد ایله محکوم ایکن
آغلادق سودای حریتله هپ مجنون کهی

ترجامنر ، او ابدی یارجانر اولان قلممز ، ایکی پارمغک
تضییقاتی ایچنده هر درلو حقیقی یازمقدن محروم ،
دیلمز درین بر خوف وهراس ایله دندان عطات آره سینه
قیصلمش سکوت محکوم ایدی .

بوکون : هر مقاله سی بر فاسفه دینی بی اخطار ،
هر جمله جمیله سی بر جمله جلیله قیمتدار اطلاقه بحق
سزادار اولان [بیان الحق] که اسلامیتک تعمیم
انتشاری ، ملتک تأمین استقبالی اوغورنده عالمانه

درسلری ، کونا کون موعظه لر ، سیاسی بندلر خلاصه
بوتون وطنپرورانه حسله ترین ایتش اوعلوی او بارلاق
ستونلرله افکار امته قنادلر طاقارق آسمان کالانه اعلا
ایدیور . . .

الله موفقیتنده دائم ایلسون

بز ایسترز که بیان الحق سائر جراند علمه مزى نظیر
ایده جک شخصیات ، مکابره شائبه لرندن الی الابد بویه
بویه آزاده بولنسونده هر درلو حق و حقیقی نشر
ایله حلال مشکلاتمز اولسون .

حیدر : ۲۵ تشرین اول ۳۲۴

مفتی زاده

کسریه لی : محمد صدق

— بیان الحق —

هنوز حال طفولیتده دیمک اولان (بیان الحق) .
قارشو ارازی دیلان آثار احترام و حرمتی دریغ ایتیه نلرک
حسیات دیانت کاریلرینه برهان اولدینی جهتله بوکهی افکار
علویه اربابنک مشکور الهمه اولمیرینی جناب واهب
العطایادن تمی ایلر .

بش نومرولو نسخه مزده (تجارت شرکتلری و منافع
اقتصادیه سی) حقنده نشر ایتدی کمز مقاله زیرنده بحث
ربیان اولندی بی اوزره بوکره تشکیل قلنان و مندرجات
عمومیه سی نظر مطالعه دن کچیریلرک مجله نک کتاب الشرکه
بجسته مخالفی کورلین [امتعه داخلیه شرکتی] تعلیماتیه سی
بروجه آتی عیناً درج اولمشدر . صنایع داخلیه مزک
ترقی و رواجنه خادم اوله حق بوکهی مؤسسه لک تکثر بی
تمی ایله برابر شرکت مذکور نک دوام موفقیتی کمال
صمیمتله آرزو ایدرز .

اشترک آرزوسنده بولنان ذوات بدستان خواجکیلرنده
حسن نامی افندی به مراجعت بیوریه یلیرلر .

محضا بر خدمت اولتی اوزره [بیان الحق] اداره -
سنجده توسط اولنور .

یقینده تشکل ایده جکهی خبر آلدیغمز هیأت اداره
دائمه نک اساسیه سیله مرکز اداره سی دخی باشنه جه اعلان
اولنه جقدر .

امتعه داخلیه شرکتی

توفیقات سبحانیه رهبر فیض ونجات طانیله رق قانون
اساسینک اون اوچنچی ماده سنک ویردیکی صلاحیتنه توفیقاً
امتعه داخلیه تجارتیه اشتغال و امتعه مذکور نک ترقی و رواجنه
حصر آمال ایلک مقصد مقدسیله ۱ تفرین اول سنه ۱۳۲۴
تاریخنده [امتعه داخلیه شرکتی] نامی آلتنده تأسیس قلنان
و ۱۰ تموز سنه ۱۳۲۴ تاریخی مبدأ تأسیس اعتبار اولنان
شرکتک صورت تشکیلنه دائر تعلیماتدر :

برنجی ماده — بش سنه مدت وایکی یوز حصه اعتباریه
مؤسس اولان بوشرکت عاید معاملات عمومیه نک امر اداره سی
فخری اوله رق بر رئیس اول و بر رئیس ثانی ایله یدی
اعضادن عبارت بر هیاته مودوعدر .

ایکینجی ماده — بر حصه سندینک قیمت مجموعه سی بش
عدد عثمانی آلتونیدر . صورت استیفای : هر حصه باشنه
شهری یارمشر لیرای عثمانی تأدیه ایدیلرک اون آی طرفنده
اوده نه جکدر .

تقسیط شهری بی مبین اوله رق هر حصه داره برر مطبوع
علم و خبر ویریلوب تأدیات عمومیه نک ختامنده بو علم و خبر
حصه سندیه دکشدر یله جکدر . شرکتک مصارف تأسیسیه سنه
مدار اولتی اوزره ایلک تقسیطه برابر هر حصه ایچون تبرعاً
بر مجیدیه آلتیر .

اوچنچی ماده — بر حصه بدلی بولنان بش لیرای دفعه
ویره جک اولان حصه داردن تبرع آراناز .

دردنجی ماده — حصه دارانک هر بری مالک اولدینی
حصه یه کوره هر آی ابتداسنده ویرمکه مجبور بولندی
تقسیطی نهایت آیک بشنجی کونه قدر ویرمسه کذران
اوله جق هرکون ایچون حصه باشنه برغروش فضله تبرع
ایده جکدر . ایکینجی تقسیطک حلول مدته قدر کچمش تقسیطی
ویرمه ی حصه دار ، تأدیه ایلدیکی مبالغدن یوزده یکر میسینی
ترک و تبرعی تعهد ایلک شرطیه اوست طرفی ویریلرک شرکتدن
اخراج اولنور .

بشنجی ماده — شرکتک تأسیسی تاریخندن اعتباراً اوچ
آیه قدر تابعیت عثمانیه بی حائز هرکس حصه دارلغه قبول
اولنور . آنجق بومدن سوکره حصه دارلغه کیره جکدر دن
حصه بدل عمومی دفعه آلتیر ، تبرع طلب اولنواز .

آلتنجی ماده — شرکتک سرمایه اساسیه سنه محسوباً

زبدۀ سیاسیہ

بوهفته ایچنده عالم سیاسیانده مهم بر وقعه ظهوره
گلشدرکه بوده فرانسه ایله آلمانیا آره سنده کرکینلک
حاصل ایتش اولان (قازا بلاقا) حادثه سنک نتیجه سی
ایدی . اگر ایکی حکومت آره سنده اساساً ائتلاف
و دوستی حکم سوررسه بوی و قوعانده ایکی طرفدن
برینک حیثیتی محل احوال بیله کورلسه بواحواله سبب
اولان مأمورلرک فدا ایدلمسلیله رابطه دوستی به خلل
کیتیرمز . مثلاً روسیه و ژاپونیا محاربه سی انناسنده
حدونه کان (هول) وقعه سی انکلتزه ایچون آغیرجه
کورلمش اولدینی حالده برتوسط دوستانه ایله بو وقعه
ایکی حکومت بیننده شدتلی اختلافه سبب اولدی ، اوکی
آلندی . ینه بونک کبی آسریقا ایله انکلتزه آره سنده
ظهوره کان بروعه ده برطرف ایدلی . فقط فرانسه
ایله آلمانیا آره سنده بویله دکلدور . ۱۸۷۱ محاربه سندن
بری فرانسه ایله آلمانیا آره سنده اوپله بر برودت و مبا
عدت موجوددرکه اوروپانک مسالمت عمومیه سنه تأثیر
ایدن بو حالی ازاله ایچون صرف اولنان هنلر ، امکدر
نتیجه و برمه مش کیدر . آژاس موره نک آلمانیا به الحاقی
فرانسزلرجه داغ درون اولمش ، اوتوز بش سنه بو
ضربه نک تأثیری یورکلرده صاقلانمشدر . فاس مسئله سنک
بدایت ظهورنده فرانسه ایله آلمانیا آره سنده محاربه
ظهورب ، رمق قالمش ایدی . الجزیره قونفرانسی بو
احتمالی بر طرف ایتدی . نته کیم بلغارستانک اعلان
استقلال ایتسی و آوستریانک اعلان استقلال ایتسی
و آو ستریانک ده بوسنه و هر سکی ضمیمه ممالک ایللمسی
اوزرینه بالقانلرده آتش حرب وجدالک بردن بره
اشتعال ایده جکی ظن و تخمین اولمش ایکن بو ایکی
وقعه نک ده بین الدول بر قونفرانسه فصل و تسویه
اولنسی تکلیف اولنهرق بویله جه محاربه احتمالاتی

اوج آکی ظرفنده تحصیل ایدیلوب بانقده تراکم ایتدیریله جک
مبلغه مناسب محله بر تجارتخانه آجیلهرق معاملات به باشلانم جقدر .
بدنجی ماده — حصه دارانندن بری صاحب اولدینی حصه
سندینی هیأت اداره نک موافقتی استحصال ایتکسزین آخره
فروخت ایده مز . بوبابده اولنهرق معامله سکزننجی ماده به
توفیق ایدیلیر .

سکزننجی ماده — هر نه سببه مبنی اولورسه اولسون
شرکتدن بری چیقمق ایسترسه تأدیات واقعه سندن یوزده
یکرمیسینی و تمعنی تبرع ایله فسح اشتراک ایلسی مشروطدر .
شرکتجه مبايعه ایدیله جک اولان بوحصه هیأت اداره جه
آخره صاتیلوب واقع اوله جق تمتع شرکت ايراد ایدیلیر ؛ حصه دار
خارجدن واقع اوله جق طالبه ترجیح اولنور .

طقوزنجی ماده — شرکت علیهنده اویغونسزلنی تحقق
ایده جک حصه دار هیأت اداره قراریله شرکتدن اخراج
و بومعامله سکزننجی ماده به توفیقاً اجرا اولنور .

اونجی ماده — جریان ایده جک معامله به ظهور ایده جک
رغبته کوره حصه مقدارینک تزید و مدت دوامنک تمیدیدی
هیأت اداره نک رأین و ایسته در . شو قدرکه مدت مقرر
اولان بش سنه نک ختامنده ایستک ایدن حصه دار — بلا قید
و شرط — حصه دارلقدن چیقمق حقن محافظه ایدر و سرمایه سنی
تجارتیه برابر آله بیلیر .

اون برنجی ماده — ایلک سنه نک هیأت اداره سی
مؤسسره بونلرک حصه دارانندن انتخاب ایده جکی ذواتدن
متشکل اولوب سنه آتیه ایچون تشکیل قلنه جق هیأت ،
حصه دارانک اجتماع عمومیده انتخاب ایده جکری یکریمی ذاتدن
قرعه کشیده سیله تشکیل ایده جکدر . ایچلرندن رئیس اول
و ثانی انتخاب ایللمک بوهیأت مودوعدر .

حصه داران هیأت حقنده بیان اعتماد ایده رک ابقاسنی اکثریتله
طلب ایدرلرسه ، انتخابه احتیاج قالمز .

اون ایکنجی ماده — هر نوع امتعه داخلیه نک بروجه مشروع
تدارک و استحصالیه بونلرک تشهر و فروخت ایتدیرلمسنه خادم
اوله جق اولان هیأت اداره ، مقاصد مذکورنک تمای محافظه سی
ایچون تجارتخانه مدیریه مستخدمین ساثره سنی آکا کوره انتخاب
و تعیین و بونلره ویریله جک معاش و اجوراتی تخصیص و اعطاده
و توسیع تجارت ضمننده اختیار طبیی بولنان کافه صرفیاتی
اجرا ده صلاحیت کامله بی حائز بولنه جقدر .

مابعدی وار

بوفرق آره دن قالدیرلمدینی کبی باغارلرک مطالب سیاسیه
سندن برطاقی ده شایان قبول کوریلور .

اوستریا ایله مذا کراته کلنجه آره ده برمدت فاصله دن
صکره تکرار مذا کراته ابتدار اولنسی مأمولدر . انجق
اوستریانک عهد شکنانه حرکتی تعمیر ایده جک برمسلیکه
تقرب ایتسنده انتظار اولنوردی . اوستریانک متفق

بولنان آلمانیا ، انکلتزه ، روسیه و فرانسه طرفدن
قبول ایدیلن ، ایتالیا حکومتجه ده تصویب بولنان
بروغرام داخلنده قونفرانس مذا کراته راضی اولسی
ایچون آلمانیا طرفدن اوستریا اوزرینه اجرای تأثیر
ایدیله جکی ، اوروپا مسالمت عمومیه سنی تأمین موازنه سنی
محافظه ایده جک صورنده وقایع اخیرنک بر عهد دولی به
اقتران ایتسنه ممانعت کوسترمیه جکی سوبیلنش ایدی .

واقعا روسیه خارجیه ناظری موسیو ایزوولسکی برلینده
بوبابده ائتلاف فکر حاصل ایده میهرک اوروپا سیاحتدن
پترسبورغه آلمانیا نک موافقتی استحصال ایتکسزین
عودت ایللمشیدی . آلمانیا روسیه نک طوغروجه اوستریا

ایله اوزلاشمسینی سوبیللمشیدی . روسیه بو خصوصده
اوستریا به برنوطه کوندردی . بونک اوزرینه روسیه ایله
اوستریا آره سنده کی مناسبانک کرکینلک حاصل ایتدیکنه

دائر بر شایعه چیقدی . بوشایعه اطرافده ینه اندیشه لر
حصوله کتیردی . صربستانده هنوز او ستریا به قارشو
افکار عمومیه نک متهیج بولنسی ، قرطاع اها ایسنک ده
عین فکر واملد . ولسی ده بواندیشه لرلی ازاله ایدیله جک

یرده اشدید ایدیلوردی . بوسره ده آلمانیا دن مسالمت
پروران به حرکت بکلنهرک اوستریا به بونقطه نظر دن
اجرای نفوذ و تأثیر ایلله جکی فرض اولنوردی .

فرانسه ده روسیه ایله اتفاقه و او ستریا ایله رابطه حسنه سنی
ادامه ایتدیرمسنه مبنی روسیه ایله اوستریا آره سنده
توسطه حاضر لایوردی . ایشته اوروپا سیاسیاتنک بورنک
و شکننده کورندکی بر صرده اوزرینه برده فرانسه
و آلمانیا اختلافی چیقمش ، اوروپا ده اندیشه لرلی آرتد .

برطرف اولندی . قونفرانسه طوغرو خطوه لر
آتیلوردی . قونفرانس تکلیفنده بولنش اولان
حکومت عثمانیه بو قونفرانسک مقرراتی تسهیل ایللمک
اوزره بلغارستان ایله ، اوستریا ایله بر زمین ائتلاف
احضار ایتک یولنده کی وصایای ده موافق کوردی ،
روی قبول کوستردی .

اوستریانک در سعادت سفیری ایله باب عالی آره سنده
باشلامش اولان مذا کراته ائتلافیه فاصله به اوغراددی .
چونکه اوستریا بلا قید و شرط بوسنه و هر سکی الحاقی
تصدیق ایتدیرمک ایستیلوردی . بوايسه حکومت
عثمانیه نک طبیی حقوق و منافعه موافق دکل ایدی .
اوستریا حکومتی بلا قید و شرط معامله تصدیقه بی الده
ایتمک ادعا و اصرارندن واز کچوبده جدأ ائتلافی
استسیددی تعدیل تکالیف ایتسی ، قونفرانسه بوسنه
و هر سکی مسئله سنک تدقیقه راضی اوله رق حقوق
و منافع عثمانیه نک ده بوسورتله حمایه و مدافعه سنک موافق
حق و عهد بواندینی نظر اعتباره المسی لازم کلیردی .

بلغارستانه کلنجه استقلالنی اعلان ایتمکه برابر
بویوزدن حکومت عثمانیه به قارشو ایقاع ایللمش بولندینی
ضرر و زیانی تضمین ایللمک مجبوریتنده بولنوردی .

بلغارستان امارتنک در سعادت کوندردیکی مأمور مخصو
صیله حکومت عثمانیه مأمورلری آره سنده مذا کرات
باشلادی . بومذا کرات هنوز ختام بولدی ، حتی فاصله
پذیر اولسی محتمل کوندردیکی ده سوبیلندی . بلغارستان
حکومت عثمانیه نک تکالیفی آغیر کوره رک تعدیل تکالیف

ایچون توسط اجراسی ضمننده فرانسه ، انکلتزه و روسیه
حکومتلرینه مراجعت ایتمشدر طرزنده بر روایت ده
چیقارلادی . مذا کراته تعویضات اساسانه مستند بولنق
بلغارستانک موقع سیاسیه سی ده قونفرانسه موقع
مذا کراتیه قوبق جهتی موافق کورلمکده ایدی .
تعویضات ایسه حکومت عثمانیه نک حسابیه بلغارلرک فکر
و تخمین آره سنده بیوک بر فرقه کوستریور . هنوز

برمیشدر .

اگر فرانسه ایله آلمانیا آره سنده کی اختلاف شد-
تلیزده برحاربه ظهوره کلیرسه اوروپاده عادتاً برحرب
عمومی شکلی آله جنی ده تخیل اولنیوردی .

پارنده بونان روسیه وانکلتره سفیرلری فرانسه
حکومتی نزدنده تأمینات اعطاسیله اختلاف واقعده
تمامیله فرانسه نك نقطه نظری تصویب ایلدکاری
بیلدیرمیشلردر . آلمانیا ایمپراطوری اوستریا ولی عهدینی
و اوستریا ایمپراطوری فرانسوا زوزفی زیارت ایدك
ضمناً اوستریا ایله آلمانیا آره سنده کی رابطه نك نه درجه ده
قوی بولندیغی اوروپایه قارشو اراده ایلك استمشدر .
آلمانیانك اوستریادن آریله جنی معلوم ایدی . بو زیارت
اوستریانك اختیار ایلدیکی مملك ایچونده بر تقدیر
یرینه کچمشدر . اشته احوال سیاسییه بوکی صفحهلر
کوستردیکی برزمانده آلمانیا ایله فرانسه آره سنده اختلاف
ظهوری بك تهلکلی کورلمشدر . صوك خبرلر بو
اختلافك برقاج کونه قدر تسویه پذیر اوله بیله جکی
احتمالی کوسترمکده در . برلین قابینه سی ابتدا فرانسه یه
قارشو بیان تأسف شرطی قویمش ، یعنی برنوع رضیه
طلب ایتمش ایدی . فقط فرانسه بوکا قطعاً موافقت
کوسترمیه جکینی بلیردی . شوتدرکه آلمانیا حکومتی ده
وقعه متحدثدن طولایی بیان تأسفات ایدسه عین
مقابله ده بولنمه رضا کوستردی .

آلمانیا قابینه سنك الملك حرکتی لزومندن فضله
بولندیغی ده برچوق طرفلردن تسلیم ایدلدی ، آلمانیانك
پارس سفیری فرانسه خارجیه ناظريله وفرانسه نك برلین
سفیری ده آلمانیا خارجیه ناظريله بومسئله یی مذاکره یه
کیرشدی . آلمانیا اساساً فرانسه نك تکلیفی قبول
ایتدی . شمیدکی حالدده مذاکرات طرفینك بری برینه

قارشو تأسفاتنی نه صورتله اظهار و بیان ایده جکینی
قرارلشدیرمق جهتنه معطوف کبی کورنمکده اولسنه
نظراً اختلافات واقعنه نك برطرف ایدلمش اولدینی
مظنوندر . شو حال اوروپا حکومتلردن هیچ برینك
مسالت عمومیه یی خللدار ایتك کبی برمسئولیت عظیمه یی
اوستنه آلمق استمدیکینی کوستریور . بوده طبیعی صلح
ومسالت طرفدارانك خوشنه کیدر . شوندن استدلال
ایله باقمقان مسئله لرینك ده بوداثرده حل وفصل ایديله
بیله جکینی امید ایدرز .

احتراصات وتهیجانه سد چكارك مسائل متحدثه یی
عقل ومنطق دائره سنده بر فکر اشتلافجویاه ایله حل
ایتمك آرزو واملی خالص اولورسه مشکل ایشلرك ده
تسویه سنه برچاره بولنه بیلیر .

معلمخانه نوابك هر سنه معتاد اولدینی وجهله شهر
حال هر بینك اون بشنچی صالی کونی آچیله جنی موثوقاً
خبر آلمشدر ،

معلمخانه مذکور پروگرامنه کچن سنه ادخال
ایدیلان حقوق درسلری اوزرینه بوسنه دخی حقوق
اداره درسی علاوه اولدینی کبی اهمیت مخصوصه سنه
مبنی احکام الاوقاف دخی مستقل بردرس اتخاذ اولند .
ینی ده آبروجه مستخبرات ساره مزدن بولنمشدر .

فطین

محمود بك مطبعه سی